

REFERAT MIA - Meeqqanut Ilaqutariinnullu Ataatsimiititaq d. 11-08-2022

Mødedato Torsdag d. 11. august 2022 kl. 18:00

Mødested Kommunalbestyrelsen ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarnerat.....	4
Nalunaarutit.....	5
Kisitsisit pingaarnert - Meeqqanut Ilaqutariinnullu Ingerlatsivik.....	6
Taasariaqartut allat.....	9
Imaqarniliap akuerineqarnera.....	10

Punkt .: Saqqaa

Ilaasortat:

Naya-Sophia Lyberth (IA) Siullittaasoq
Mia Skifte Lynge (IA) Siulittaasup tullia
Harald Bianco (IA)
Charlotte Ludvigsen (IA)
Laura Táunâjik Uitsatikitseq (S)

Beslutning

Ataatsimeeqataasut:

Naya Sophia Pedersen Lyberth (IA)

Mia Skifte Lynge (IA)

Oqarasuaatikkut:

Harald Bianco (IA)

Inge Olsvig Brandt (IA) Charlotte Ludvigsen-imut (IA) sinniisuuvoq

Attaveqaatitigut peqataavoq:

Laura Táunâjik Uitsatikitseq (S)

Ataatsimeeqataasinnaanatik nalunaartut:

Charlotte Ludvigsen (IA)

Punkt .: Oqaluuserisassat akuerineqarnerat

Beslutning

Oqaluuserisassat akuersissutigineqarput.

Punkt .: Nalunaarutit

Siulittaasumiit nalunaarutit
Ingerlatsivimmiit nalunaarutit

Beslutning

2a. Siulittaasup nalunaarutai:

Una sapaatip-akunnera Københavnimi isumaginninnermut ataatsimiititamit Meeqqanut Ilaqutariinnullu Ingerlatsivik pulaarneqarpoq, tassanilu ataatsimiititami siulittaasoq peqataavoq. Ingerlatsivimmit immikkoortut assigiinngitsut saqqummiipput kiisalu isumaginninnermut ataatsimiititaq kommunimi suliffeqarfinni assigiinngitsunut pulaarluni.

Ukiamut ataatsimiititaq angalassaaq, tassungalu atatillugu Københavnimi isumaginninnermut ataatsimiititamut pulaarnissaq pillugu periarfissat misissorneqassapput. Ataatsimiititap angalanissanut ullut tikinneqartussallu piaartumik nalunaarutigineqassapput.

2b. Ingerlatsivimmit nalunaarutit:

Meeqqanut Ilaqutariinnullu suliassaqarfimmit immikkut aningaasaliissutissanik qinnuteqartoqarpoq.

Aasaanerani pisortaq Tasiilamiippoq maannalu Nuummut tikereerpoq

Punkt 1: Kisitsisit pingaarnert - Meeqqanut Ilaqutariinnullu Ingerlatsivik

Beslutning

Ilisimatitsissut tusaatissatut tiguneqarpoq.

Bilag

Piffissami januaarimiit marsimut 2022 kisitsisit pingaarnert

Kisitsisit pingaernerit - Meeqqanut Ilaqutariinnullu Ingerlatsivik

Ilisimatitsissut

SagsID.: EMN-2022-03056

Meeqqanut Ilaqutariinnullu Ingerlatsivik - pisortaq Martha Abelsen / MRBL

Inassuteqaat

Meeqqanut Ilaqutariinnullu Ingerlatsiviup Meeqqanut Ilaqutariinnullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Meeqqanut Ilaqutariinnullu Ingerlatsivimmut kisitsisit pingaernerit ilanngussami ersersinneqarput. Kisitsisit pingaernerit Meeqqanut Ilaqutariinnullu Ingerlatsiviup oqartussaaffeqarfimmi sammisai pillugit tamakkiisumik paasisaqarnermik pilersitsiniarsaripput. Taamaalilluni meeqqat inuusuttullu inissinneqarsimasut amerlassusaat, kiisalu Ingerlatsiviup suliai ingerlasut aamma nalunaarutiginninnerit tiguneqartartut takussutissiami ilanngussami allassimapput

Takussutissaq 1 aamma 2-mi meeqqat inissinneqarsimasut amerlassusaasa kisitsisai takutinneqarput, aamma 2022-p ukiup affaani siullermi meeqqat qassit ulloq unnuarlu paaqqinnittarfinnut aamma ilaqutariinnut paarsisartunut inissinneqarsimanersut nalunaarneqarsimallutik. Ilaqutariinnut paarsisartunut pinartumik inissiinerit 2021-mit 2022-mut amerleriarsimapput. Kisitsisit taakku nikerassapput, kisianni 2021-mi agguaqatigiissillugu meeqqat 11,25-t qaammammut ataatsimut pinartumik inissinneqartut paaqqutarineqarsimapput, 2022-milu qaammadini tallimani siullerni meeqqat 40,8-t qaammattit tamaasa pinartumik paaqqutarineqarsimallutik.

Takussutissaq 3 -mi kommunimi angajoqqaarsiaasut amerlassusiannik takutitsivoq. 2021-p ingerlanerani kisitsisit allanngorarpallaarsimanngillat, tamannalumi aamma 2022-mut atuuppasilluni.

Takussutissat 4, 5 aamma 6 massakut sularineqartut amerlassusaannik takutitsipput. Taamaattorli oqaatigineqassaaq, suliniuteqarluni suliat ingerlasut, siunnersuineramik suliat aamma isumaginninnikkut misissuinerit kisitsisaat tassaammata ullormi aalajangersimasumi suliat ingerlasut kisitsisaat. Suliat ingerlasut ullormit ullormut allanngorarsinnaasarput. Kisitsisit taamaalillutik ulloq taannarpiaq systemimit paasissutissat aaneqarfianni pisut pisimasunik takutitsipput.

Taakku suliat suliniuteqarfigineqartut sulianut suliniuteqarfinnut, siunnersuineramik sulianut aamma isumaginninnikkut misissuinerit agguataarneqarsimapput. Suliat suliniuteqarfiusut aamma siunnersuineramik suliat 2021-mit 2022-mut amerleriarsimapput, tamannalu nalunaarutiginninnerit amerlassusaata qaffariarsimaneranut naapertuuppoq (takuuk immikkoortoq takussutissaq 7-imi). Ukiup ingerlanerani misissuineramik suliat amerlassusaat februarip qaammataani 323-p missaanut qaffariarsimapput. Sakkortusisamik suliniuteqarnikkut, ilaatigut "suleqatigiinnik" misissuinerit sulianik suliaqartussamik pilersitsinikkut, suliat taakku amerlassusaat juni 2022-mi 286-inik amerlassuseqalerlutik ikileriarsimapput.

Takussutissaq 7-imi nalunaarutiginninnerit amerlassusaat takuneqarsinnaapput. Ukiuni 2,5-imi kingullerni nalunaarutiginninnerit amerlassusaat ikileriarsimapput, ukioq 2020-mi tamarmi nalunaarutiginninnernit 2061-init, 2022-p ukiup affaani siullermi 1594-ngorsimallutik. Amerleriarsimaneq kommunimut nuuttartut procentiannit qaffasinneruvoq aamma allanik pissuteqarsimasinnaalluni. Qulaani allaaserineqartutut tamassuma kinguneratut suliat suliniutigineqartut, pinartumik ilaqtariinnut paarsisartunut inissiisarnerit, aamma siunnersuinermik suliat amerlassusaat qaffariarput.

Siusinnerusukkut takussutissaasimasoq 8 suliamik saqqummiussinnermit peerneqarpoq. Takussutissaq 8 Nuummi aamma Tasiilami suliat suliarineqartut sullissisunut agguataarneqarsimasut amerlassusaannik takutitsivoq. Taamaattorli naatsorsoqqissaakkat eqqoqqissaanngillat, sulisut paarlakaajaannerujussuat, kiisalu ukioq kingullermi suliat paarlakaajaanneqarsimanerat pissutaallutik.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattallit

- Meeqqat tapersorneqarnissaannut Inatsisartut inatsisaat nr. 20, 26. juni 2017-imeersoq

Ilanngussat

1. Piffissami januaarimiit marsimut 2022 kisitsisit pingaarnert

Punkt .: Taasariaqartut allat

Punkt .: Imaqarniliap akuerineqarnera

Beslutning

Imaqarniliaq akuerineqarpoq.